

**UGOVOR
O ZASTUPANJU I PRUŽANJU ADVOKATSKIH USLUGA**

UGOVORNE STRANE:

1. KJKP“ TRŽNICE-PIJACE“ d.o.o Sarajevo, ulica M.M. Bašeskije 4a, Sarajevo, ID: 4200683020005, PDV broj: 200683020005, koga zastupa direktor Jasmin Terović (u daljem tekstu: Naručilac)

i

2. Advokat Enver Smajkan , ul. Edhema Eke Džubura 56, Sarajevo, ID: 4302663400003 (u daljem tekstu: Izvršilac)

Član 1.

Ovim Ugovorom ugovorne strane su se sporazumjele da će Izvršilac tokom ugovorenog perioda vršiti uslugu zastupanja i pružanja advokatskih usluga .

Ugovorne strane su saglasne da Naručilac usluga u okviru svog poslovanja treba osigurati kvalitetnu i stručnu pravnu pomoć radi što adekvatnijeg osiguranja zakonitog ostvarivanja svoje poslovne djelatnosti. U tu svrhu sklapa se ovaj ugovor o zastupanju i pružanju advokatskih usluga.

Član 2.

Predmet ovog ugovora je zastupanje i pružanje advokatskih usluga koje se odnose na:

- a) Davanje usmenih i pismenih pravnih savjeta i mišljenja,
- b) Slanje opomena, podnošenje tužbi, priprema odgovora na tužbu, prijedloga za izvršenje, prigovora, i ostalih podnesaka kao i ulaganje, po potrebi, redovnih i vanrednih pravnih lijekova u sudskim i upravnim postupcima, uključujući podnošenje revizije Vrhovnom sudu F BiH, kao i apelacija Ustavnom sudu F BiH u sudskim i upravnim postupcima prema potrebama KJKP“Tržnice-pijace” d.o.o Sarajevo;
- c) Zastupanje Preduzeća pred sudovima i drugim državnim organima u skladu sa dobijenom punomoći za konkretno zastupanje ;
- d) Priprema teksta ugovora, predmeta vansudskih i sudskih poravnjanja, izjava, opštih i pojedinačnih akata i drugih isprava vezanih za KJKP“Tržnice-pijace”d.o.o Sarajevo,
- e) Posredovanje u cilju zaključenja pravnog posla ili mirnog rješavanja sporova i spornih pravnih odnosa;
- f) Po potrebi prisustvovanje u radu organa Ugovornog organa, po pozivu Ugovornog organa i davanje mišljenja u vezi primjene propisa koji se odnose na rad i poslovanje Ugovornog organa, po zahtjevu Ugovornog organa;
- g) Daje preporuke Ugovornom organu u vezi primjene propisa;
- h) Rješavanje imovinsko pravnih odnosa na na svim poslovnim jedinicama; kao i obavljanje drugih pravnih poslova koji su vezani za rad Ugovornog organa, a odnose se na primjenu pravnih propisa

Član 3.

Naručilac se obavezuje da će:

- Dostaviti svu potrebnu dokumentaciju u najkraćem roku;
- Za svaki preuzeti predmet izdati punomoć za zastupanje;
- Po zahtjevu Izvršioca dostaviti i drugu dokumentaciju potrebnu za vođenje postupka i preuzimanje pravnih radnji;
- Izvršioca obavještavati o eventualnim radnjama koje je sam preuzimao u interesu okončanja spora i radi neophodne međusobne razmjene informacija.

Član 4.

Izvršilac se obavezuje da će sve poslove iz čl. 2. ovog Ugovora obavljati na vrijeme, savjesno i odgovorno, poštujući pravila svoje profesije i respektujući postojeći pravni poredak, te u okviru advokatskog zadatka i etike zalagati se maksimalno za interese Naručioca usluga.

Član 5.

Ukupna cijena usluga zastupanja i pružanja advokatskih usluga za ugovoreni period, utvrđena je u Ponudi Izvršioca br: 1/2024 od 09.01.2024.godine i iznosi do 13.200,00KM bez PDV-a (slovima:trinaesthiljadadvijestotine 00/100) odnosno do 15.444,00KM sa Pdv-om (petnaesthiljadačetiristotinečetredesetčetiri 00/100).

Naručilac i Izvršilac su saglasni da se cijena usluga iz stava 1. ovog člana vrši na način da se Izvršiocu za izvršeni posao iz člana 2. ovog Ugovora, uplaćuje mjesečno u paušalnom iznosu od 1.100,00 KM bez PDV-a, i to svakog 5-og u mjesecu za predhodni mjesec.

Plaćanje se vrši na osnovu izvršenih usluga i ispostavljenih mjesečnih faktura od strane Izvršioca, uplatom na žiro račun broj 1541802006879198, kod INTESA SANPAOLO BANKA d.d. BOSNA I HERCEGOVINA, i to u roku od 30 dana od datuma ispostavljanja fakture.

Član 6.

Obavezuje se izvršilac posla da uz mjesečnu fakturu dostavi mjesečni izvještaj o izvršenim uslugama koje su predmet ovog Ugovora.

Član 7.

Naručilac snosi stvarne troškove nastale tokom naručenog posla, određenog ovim Ugovorom.

Stvarni troškovi su: takse, ovjere pred nadležnim sudom, organima, organizacijama i institucijama i sl., angažiranje potrebnih vještaka ili drugih stručnih osoba za čijim radom se može ukazati potreba, a o čemu će odluku ugovorne strane donijeti zajednički. Naručilac je saglasan da izvršilac naplati advokatske usluge u visini koja mu pravosnažnom sudskom odlukom bude priznata.

Član 8.

Ugovor se zaključuje na određeno vrijeme u trajanju od 12/dvanaest/ mjeseci počev od 09.01.2024.godine

Član 9.

Ugovorne strane ugovaraju otkazni rok od 60 dana pismenim putem.

Član 10.

U slučaju raskida ovog ugovora kao i u slučajevima okončanja predmetnog spora, Izvršilac je dužan da Naručitelju preda svu dokumentaciju vezanu za Naručioca.

Član 11.

Sva pitanja koja su regulisana ovim ugovorom predstavljaju povjerljive informacije i tiču se samo ugovornih strana. Ugovorne strane se obavezuju da informacije koje su predmet ovog ugovora neće davati trećim licima.

Član 12.

Ugovorne strane su saglasne da će svaki eventualni spor pokušati riješiti mirnim putem, a ukoliko to nije moguće, u slučaju spora nadležan je sud u Sarajevu.

Član 13.


Ugovor je sačinjen u 4 /četiri/ istovjetna primjerka od kojih svaka ugovorena strana zadržava po 2 /dva/ primjerka. Ugovor stupa na snagu danom potpisivanja.

Pripremio: Lejla Delić
Kontrolisao: Bojan Miškić
Kontrolisao: Emir Dervišagić

ZA IZVRŠIOCA


Advokat, Enver Smajkan

ZA NARUČITELJA

KJKB "Tržnica nišice" d.o.o. Sarajevo

Direktor, Jasmin Terović

Sarajevo, 09.01.2024.godine
Broj: 9-3/24